

სახელმწიფო შესყიდვის შესახებ ხელშეკრულება

(ხელშეკრულების პროექტი ატარებს ნიმუშის ხასიათს და მისი საბოლოოდ შეჯერება მოხდება მიმწოდებელთან ხელშეკრულების დადების პროცესში სატენდერო დოკუმენტაციისა და მიმწოდებლის სატენდერო წინადადების გათვალისწინებით)

ქ. თბილისი

----- წ.

1. ხელშეკრულების მხარეები

1.1. ერთი მხრივ, სსიპ სოციალური მომსახურების სააგენტო (შემდგომში – „შემსყიდველი“) წარმოდგენილი მისი დირექტორის მოადგილის -- ----- სახით და მეორე მხრივ, ----- (შემდგომში – „მიმწოდებელი“) წარმოდგენილი მისი ----- სახით (ორივე ერთად წოდებული – „მხარეებად“), „სახელმწიფო შესყიდვების შესახებ“ საქართველოს კანონის და პრეტენდენტის (-----) სატენდერო წინადადების საფუძველზე, **NAT** ელექტრონული ტენდერის (CPV კოდი 64200000; 64210000; 64211100; 64211200; 64215000) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი

2.1. ხელშეკრულების საგანს წარმოადგენს, სოციალური მომსახურების სააგენტოს საჭიროებისთვის (ცენტრალური აპარატის, ტერიტორიული ერთეულებისა და რაიონული განყოფილებების) სატელეფონო მომსახურების (შემდგომში – „მომსახურება“ ან „შესყიდვის ობიექტი“) სახელმწიფო შესყიდვა.

3. ხელშეკრულების ღირებულება

3.1. ხელშეკრულების ღირებულება შეადგენს ----- ლარს.
3.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი/მოსაკრებელი/სახდელი, რომლის გადახდა ეკისრება „მიმწოდებელს“.

4. მომსახურების განხორციელების ვადები და პირობები

4.1. მომსახურების გაწევა განხორციელდება წინამდებარე ხელშეკრულებით განსაზღვრული პირობების შესაბამისად 2019 წლის 5 მარტიდან 2019 წლის 31 დეკემბრის ჩათვლით:
4.1.1. დანართში N1 განსაზღვრული პირობების მიხედვით.
4.1.2. დანართში N2 მითითებულ ტელეფონის ნომრებზე.

5. შესყიდვის ობიექტის მიღება-ჩაბარების წესი

5.1. „მიმწოდებელი“ ფაქტობრივად გაწეული მომსახურების თაობაზე „შემსყიდველს“ საანგარიშო თვის დასრულებიდან 15 (თხუთმეტი) კალენდარული დღის ვადაში წარუდგენს საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში, აგრეთვე ამონაწერს (საჭიროების შემთხვევაში), რის საფუძველზეც მხარეთა შორის ფორმდება „მიღება-ჩაბარების“ აქტი.
5.2. დეკემბრის თვეში გაწეული მომსახურების საფინანსო დოკუმენტაცია წარმოდგენილ უნდა იქნეს არაუგვიანეს 2019 წლის 25 დეკემბრისა.

6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.
6.2. ანგარიშსწორება ხორციელდება საანგარიშო თვის მომდევნო თვის 25 რიცხვამდე, წარმოდგენილი ამონაწერის (საჭიროების შემთხვევაში), საგადასახადო ანგარიშ-ფაქტურისა და მხარეთა შორის გაფორმებული „მიღება-ჩაბარების“ აქტის საფუძველზე, ხოლო დეკემბრის თვის ანგარიშსწორება არა უგვიანეს 2019 წლის 28 დეკემბრისა. ამ პუნქტით განსაზღვრული დოკუმენტების სრულად (ერთობლივად) წარმოდგენის გარეშე ანგარიშსწორება არ განხორციელდება.

7. მხარეთა ვალდებულებები

7.1. „მიმწოდებელი“ ვალდებულია:
7.1.1. უზრუნველყოს საქართველოს კომუნიკაციების ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირი.
7.1.2. დაიცვას მასთან („მიმწოდებელთან“) დაცული „შემსყიდველის“ პერსონალური ინფორმაცია არასანქცირებული დაშვებისაგან.
7.1.3. დროულად მიაწოდოს ინფორმაცია დაგეგმილი ცვლილებების შესახებ.
7.1.4. სატელეფონო კავშირი უზრუნველყოს შეუზღუდავად და უწყვეტად, თუ არ არსებობს ამ ხელშეკრულების 8.1.1. მუხლით განსაზღვრული პირობები.
7.1.5. მომსახურების პროცესში გამოვლენილი ნაკლოვანებები (მომსახურების მიუწოდებლობა ან მომსახურების შეზღუდული მიწოდება) აღმოფხვრას დადგენილი წესების მიხედვით და დაწესებულ ვადებში.
7.1.6. განიხილოს წერილობით შემოსული „შემსყიდველის“ პრეტენზია განცხადების შემოსვლიდან 7 სამუშაო დღის ვადაში და გადასცეს დასაბუთებული წერილობითი პასუხი.
7.1.7. მოთხოვნის შემთხვევაში მიაწოდოს „შემსყიდველს“ კანონით განსაზღვრული ინფორმაცია მიწოდებული მომსახურების და „შემსყიდველის“ კუთვნილი მონაცემების შესახებ („შემსყიდველის“ კუთვნილ მონაცემებად მიიჩნევა მის სარგებლობაში არსებული სატელეფონო ნომრიდან განხორციელებული და მიღებული ზარები, რომელიც დაცულია „მიმწოდებელთან“ და ინახება არაუმეტეს 1 (ერთი) წლისა).

7.1.8. მიაწოდოს „შემსყიდველს“ ინფორმაცია მისი დავალიანების ოდენობის შესახებ.

7.1.9. მისი მიზეზით გამოწვეული დაზიანებები (ყველა კომუნიკაცია „მიმწოდებლიდან“ სადემარკაციო წერტილამდე) და 7.1.5. ქვეპუნქტში აღნიშნული ნაკლოვანებები აღმოფხვრას 3 (სამი) დღის ვადაში უფასოდ, თუ აღნიშნული ვადის გასვლის შემდგომ დაზიანება არ იქნება აღმოფხვრილი, „მიმწოდებელი“ ვალდებულია მოახდინოს მომსახურების ღირებულების გადაანგარიშება.

7.1.10. ამ ხელშეკრულებით გათვალისწინებულ შემთხვევებში „შემსყიდველისათვის“ მომსახურების შეზღუდვამდე მინიმუმ 3 (სამი) დღით ადრე აცნობოს „შემსყიდველს“ შეზღუდვის განხორციელების თაობაზე, ხოლო „შემსყიდველის“ ბრალით შეზღუდვის მიზეზის აღმოფხვრის დღიდან მომდევნო დღის ბოლომდე აღადგინოს მომსახურება.

7.1.11. გაუწიოს „შემსყიდველს“ უფასო სატელეფონო კონსულტაციები ტექნიკურ საკითხებთან დაკავშირებით, რომელიც შეიძლება წარმოიშვას მომსახურების გაწევის პროცესში.

7.1.12. წერილობითი შეტყობინებიდან მინიმუმ 3 (სამი) დღის ვადაში უზრუნველყოს საერთაშორისო, საქალაქთაშორისო და მობილური კავშირის ოპერატორის ფუნქციონირება. (ურთიერთჩართვა).

7.1.13. საჭიროების შემთხვევაში, ხარჯების მონიტორინგის მიზნით საუბრების ბილინგის მოწოდება თითოეული ნომრის მიხედვით, ელექტრონული სახით, Microsoft Excel-ის ფორმატში (არა უმეტეს თვეში ერთხელ).

7.1.14. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.15. წერილობით აცნობოს „შემსყიდველს“ ხელშეკრულებაში შესატანი ცვლილებებისა და დამატებების შესახებ.

7.1.16. უზრუნველყოს „მიმწოდებლის“ შიდა ქსელში ულიმიტო წუთობრივი საუბარი.

7.1.17. „შემსყიდველის“ მიერ მოთხოვნის შემთხვევაში, ერთჯერადად (თითოეულ სააბონენტო ნომერზე), უსასყიდლოდ უზრუნველყოს ნომრის/ნომრების გადატანა შეტყობინებაში მითითებულ მისამართზე.

7.1.18. დაიცვას ამ ხელშეკრულებისა და კანონმდებლობის მოთხოვნები.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლისათვის“ თანხის გადახდა ამ ხელშეკრულების პირობების შესაბამისად.

7.2.2. სრულად და დროულად გადაიხადოს მიღებული მომსახურების ღირებულება.

7.2.3. გადაიხადოს სატელეფონო დავალიანება სრულად და დათქმულ ვადებში.

7.2.4. არ მოახდინოს ტელეფონის თვითნებური გადატანა ან არამიზნობრივად დატვირთვა.

7.2.5. არ მოახდინოს არასერთიფიცირებული მოწყობილობების მიერთება სატელეფონო წყვილზე.

7.2.6. დაიცვას ამ ხელშეკრულებისა და კანონმდებლობის მოთხოვნები.

7.2.7. ინფორმირებულობის შემთხვევაში „მიმწოდებელს“ შეატყობინოს მესამე პირების მიერ „მიმწოდებლის“ სატელეფონო ქსელზე არასანქცირებული მიერთებების შესახებ.

7.2.8. ინფორმირებულობის შემთხვევაში აღკვეთოს მის საკუთრებაში ან თანასაკუთრებაში არსებული საკაბელო ქსელის ხელყოფა, აღნიშნულის შესახებ შეატყობინოს კომპეტენტურ ორგანოებს და „მიმწოდებლის“ შესაბამის სერვისცენტრს.

7.2.9. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.10. წერილობით აცნობოს „მიმწოდებელს“ ხელშეკრულებაში შესატანი ცვლილებებისა და დამატებების შესახებ.

8. მხარეთა უფლებები

8.1. „მიმწოდებელს“ უფლება აქვს:

8.1.1. შეუზღუდოს „შემსყიდველს“ მომსახურების გაწევა, როდესაც:

8.1.1.1. „შემსყიდველი“ სრულად და დროულად არ იხდის დავალიანებას.

8.1.1.2. არსებობს ტექნიკური დაზიანება.

8.1.1.3. არ ხდება „მიმწოდებლის“ წარმომადგენლის დაშვება „შემსყიდველის“ კუთვნილ ფართში არსებულ მოწყობილობასთან.

8.1.2. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს ხელშეკრულების პირობების შესრულების მონიტორინგი.

8.2.2. მოითხოვოს დეტალური ამონაბეჭდი მის სარგებლობაში სატელეფონო ნომერზე შემოსული და განხორციელებული სატელეფონო ზარების შესახებ შესაბამისი დროის ჩვენებით, ინფორმაცია ფინანსური ურთიერთვალდებულებების შესახებ.

8.2.3. მოითხოვოს ინფორმაცია მომსახურების შესახებ.

9. ფორს-მაჟორი

9.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

9.2. გადაულახავ ძალად ჩაითვლება შემდეგი (და არა მხოლოდ):

9.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

9.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

9.2.3. ეპიდემიები;

9.2.4. ბლოკადა ან ნებისმიერი ეკონომიკური ემბარგო;

9.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება ან ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და/ან ცვლის, წყვეტს ან აჩერებს ხელშეკრულების დებულებებსა და პირობებს.

9.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

9.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

9.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

9.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

9.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

9.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

10. ხელშეკრულების პირობების და ფასების გადასინჯვა

10.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა.

10.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, მხარეთა უფლებამოსილ წარმომადგენლებს შორის, რომელიც ჩაითვლება ხელშეკრულების განუყოფელ ნაწილად.

11. დავები და მათი გადაწყვეტის წესი

11.1. მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.

11.2. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.3. თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს საქართველოს საერთო სასამართლოს სისტემას.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. მხარეთა მიერ ვალდებულებების შეუსრულებლობა

13.1. ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში მხარეებს ეკისრებათ პირგასამტეხლო შეუსრულებელი ვალდებულების 0,02%-ის ოდენობით, ყოველ ვადაგადაცილებულ კალენდარულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ „მიმწოდებელი“ გადააცილებს ხელშეკრულებით გათვალისწინებული შესყიდვის ობიექტის მიწოდების ვადას 10 (ათი) კალენდარული დღით, „შემსყიდველს“ უფლება აქვს შეწყვიტოს ხელშეკრულება და მოსთხოვოს „მიმწოდებელს“ ჯარიმის სახით ხელშეკრულების ღირებულების 10%-ის გადახდა.

13.4. ამ მუხლით გათვალისწინებული პირგასამტეხლოს და/ან საჯარიმო სანქციების გარდა, თითოეული მხარე ვალდებულია, აუნაზღაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი კანონმდებლობით დადგენილი პირობების შესაბამისად.

14. ხელშეკრულების შეწყვეტა

14.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

14.2. ხელშეკრულების 14.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.

14.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

14.4. ხელშეკრულება აგრეთვე შეიძლება შეწყვეტილ იქნეს:

14.4.1. ურთიერთვალდებულებების შესრულებით.

14.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

15. ხელშეკრულების კონტროლი

15.1. ხელშეკრულების შესრულების კონტროლს განხორციელებს კოორდინატორი, სოციალური მომსახურების სააგენტოს ინფორმაციული ტექნოლოგიების ტექნიკური უზრუნველყოფის სამმართველოს უფროსი - ლევან ჩერქეზიშვილი, (კოორდინატორი) ან, მისი არყოფნის შემთხვევაში, „შემსყიდველის“ ინფორმაციული ტექნოლოგიების დეპარტამენტის უფროსის მიერ გამოყოფილი სხვა პირი.

15.2. კოორდინატორის ფუნქციებია:

15.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.

15.2.2. სახელმწიფო შესყიდვების შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

16. ხელშეკრულების მოქმედების ვადა

16.1. წინამდებარე ხელშეკრულება ძალაშია ხელმოწერის დღიდან და მოქმედებს 2020 წლის 31 იანვრის ჩათვლით.

17. დასკვნითი დებულებები

17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმავეების სურვილით.

17.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

17.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

17.6. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებიან, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

17.7. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არაუგვიანეს დადგენილი ვადის მომდევნო სამუშაო დღეს.

17.8. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

17.9. ხელშეკრულების დანართები N1 და N2 დაერთვის ხელშეკრულებას და წარმოადგენს მის განუყოფელ ნაწილს.

17.10. ხელშეკრულება შედგენილია 8 (რვა) ფურცლად, 3 ეგზემპლარად და თითოეულ მათგანს თანაბარი იურიდიული ძალა აქვს. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი „შემსყიდველთან“.

18. მხარეთა რეკვიზიტები:

„შემსყიდველი“

„მიმწოდებელი“